



Broj: 01/5-50-3-238-1/25

Sarajevo, 22. 1. 2025.

Na osnovu čl. 19. i 20. Zakona o parlamentarnom nadzoru („Službeni glasnik BiH“, broj 25/18) i člana 40. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 26/20 i 53/22), Komisija za saobraćaj i komunikacije Predstavničkog doma Parlamentarne skupštine Bosne i Hercegovine na 24. sjednici, održanoj 22. 1. 2025, donijela je

ODLUKU O JAVNOM SASLUŠANJU

Član 1.

(Predmet saslušanja)

Javno saslušanje Edina Forte, ministra komunikacija i prometa Bosne i Hercegovine, obaviti će se kako bi Komisija za saobraćaj i komunikacije Predstavničkog doma Parlamentarne skupštine Bosne i Hercegovine saznala neophodne informacije i utvrdila razloge nezadovoljavajućih rezultata rada Ministarstva komunikacija i prometa Bosne i Hercegovine u 2023. i 2024. godini i zašto Ministarstvo nije realiziralo zaključke Komisije za saobraćaj i komunikacije i Predstavničkog doma Parlamentarne skupštine Bosne i Hercegovine.

Član 2.

(Cilj saslušanja)

(1) Cilj javnog saslušanja je da se utvrdi zašto je Ministarstvo komunikacija i prometa Bosne i Hercegovine u 2023. i 2024. godini od 11 planiranih zakona u parlamentarnu proceduru uputilo samo jedan prijedlog zakona i koji su razlozi za općenito loše rezultate rada Ministarstva u ovom periodu, te zašto ministar odnosno Ministarstvo nije realiziralo brojne zaključke Komisije za saobraćaj i komunikacije Predstavničkog doma.

(2) Potrebno je utvrditi zbog čega zaključak Predstavničkog doma Parlamentarne skupštine Bosne i Hercegovine, kojim je traženo da se u što kraćem roku uputi u parlamentarnu proceduru Prijedlog zakona o dopunama Zakona o osnovama sigurnosti saobraćaja na putevima u Bosni i Hercegovini, a kojim bi se definirala i adekvatno sankcionirala naročito bahata vožnja, nije realiziran ni nakon 18 mjeseci od donošenja zaključka.

Član 3.

(Rok i izvještaj)

Javno saslušanje bit će obavljeno u roku od 15 dana od dana donošenja Odluke, nakon čega će Predstavničkom domu Parlamentarne skupštine Bosne i Hercegovine biti dostavljen izvještaj o javnom saslušanju.

Član 4.
(Stupanje na snagu)

Ova odluka stupa na snagu danom donošenja.

PREDSEDAVAJUĆI KOMISIJE

Jasmin Imamović



Dostavljeno:

- a/a